

中國方志叢書·華南地方·第一六五號

據

清道光十七年姚東之刊本

影印

廣東省

連山綏徭廳志

(全)



5075475

成文出版社有限公司印行



中華民國六十三年六月壹一版

連山綏徭廳志

全 冊

發行人：黃 成 助

台北市郵政信箱二二六〇五號

出版者：成文出版社有限公司

台北市郵政信箱二二六〇五號

台北市濟南路三段二十七號之二

電話：七八七〇二五

印刷者：成文出版社有限公司

內政部登記證內版台業字第一一四七號

Digitized by PDG

連山綏猺廳志

前序一首

賜進士出身榮祿大夫兵部尚書兼都察院左都御史兩廣總督鄧廷楨鑒
夫操觚撰集常憚祖構摘藻洽平宜屏支詞是以藻志地理宛
大輅之椎輪周禮外史儼爲山於聚米若乃稽物類修詞條山
沓水匝事襍言嗟繁遊覽所取攜詎保障之要領至于韓氏朝
邑言簡而事賅康君武功文括而體備增重葑載罕逢晉人
築山司馬南省釋褐上府剖符撫綏民猺筌緒志乘故書無徵
新編畢舛有典有則總志賁然其難其慎分門超若裴秀禹貢
之圖周處風土之記善長水經之注子雲方言之文古意新裁
重規疊矩地本連山治兼猺俗棲類駢坐語甚媿隅然千億有
眾二百餘季沐浴

膏澤濡染

醲化艸木襄惠豚魚有孚固宜被飾曰文偁妮其俗洵有用之
雅裁匪無根之華說也予承乏兩粵勤凭四民暇茲一隅劬於
指畫頃得全志捉乎曰壽公餘瀏覽隨筆讎校所望地著爲本
風氣日上政書扶世辨告牖民稽曷理者得此爲圖經問風俗
者資之爲雅故苟詫其文省事增怖其句奇語重則是以篙測
水以櫓易珠昧著作之意玆品藻之方矣在管溪蠻叢笑隄有
傳書峒溪織志邇而踵事濫觴不媻體大斯合斧藻近正義典
則宏它日政成殷呂風移質木緬溯物始孰超作家斯則展采
攷文循環如貫者也將畀梓匠爰題簡帙

道光十六年十一月

序一

賜進士出身太志保樂縣人兵部侍郎兼都察院都御史廣東巡撫卞瑋撰
樂山司馬綏猗志成嶠筠制軍旣序之矣古書無二序然重以
司馬之請予亦何能無辭書凡二萬餘言爲曰八曰總志該沿
革前事建置山川曰食貨該田制戶口賦稅積貯曰物產曰風
俗多異聞焉曰獠防土豫備焉曰名宦曰人物皆信而有徵昔
馬曰志餘則掛獠之道里獠音之切要載焉財以總圖一掛圖
八觀之瞭若指掌其體嚴類武功康志其辭簡類朝邑帶志其
文古茂類酈注水經憂憂乎非時才所及也道光十三年汪華
猗滋事予在廣西堵禦時遣人偵東兵進止因得悉其大小排
冲諸要隘洎撫東省又從官斯土隣斯界者備爲諮詢故所聞
特詳久欲輯爲一書牽事未逮不圖司馬先得我心夫獠性靡

常急則就撫撫又復猖前人有以嚴困守三義爲控制之策者予謂無過於綏之一字司馬之言曰思患預防之用不於坎險之時而在旣濟之日又曰外而不可內疎而不可近無事則周防之有變則磨懲之蓋深得綏猺之道者矣予願官斯土者手斯一編以爲治譜毋苛毋縱俾民猺兩得其平安覓樵跣侏儻不鼓舞於光天化日哉

道光十七年孟夏月

連山綏徭廳志

賜進士出身奉政大夫連山綏徭直隸軍民同知姚東之編集

總志第一

連山本漢桂陽縣地禹貢荊州之域後漢省晉分桂陽立廣惠縣梁分浹涇縣置廣德縣隋開皇十年改廣澤仁壽元年改連山屬熙平郡連山名縣自隋始唐武德四年隸江南道天寶元年改連山郡隸嶺南道乾元元年復爲縣屬連州隸湖南道宋開寶四年隸廣南東路紹興六年廢爲鎮十八年復置仍屬連州隸廣南東路元至元十三年隸湖南道宣慰司十九年隸廣東道明洪武元年屬連州二年省連州陽山入連山屬韶州四年革連山置陽山屬廣州十四年入連州仍屬廣州一國朝順治四年內附仍屬廣州雍正七年改屬直隸連州今併入理徭

同知改爲連山綏徭軍民府直隸廣東布政司廣東初無徭宋
紹興中有連州人廖姓者仕廣西提刑歸攜徭僕十餘人散居
油嶺橫坑間椎結男穿耳帶環以五色綠珠雞毛飾髻女袒胸
戴白墊角巾者曰排徭以三角薄板繫髻上曰帶板徭髻上帶
長笄一枝者曰帶箭徭板徭箭徭種不蕃排徭最大刀耕火種
鑿巖而居種類蕃息分散谿谷然亦各有分地其屬連州者曰
油嶺排行祥排橫坑排屬連山者曰軍寮排馬箭排里八崗排
火燒坪排大掌嶺排連山之徭以萬數五排最大連州之徭以
萬數三排最大其小者名爲冲在三江之東自龍尾寨以東南
爲冲四十三西自龍水尾以西南爲冲九十三中自犁頭塘以
西爲冲四皆八排之所分也無約束好鬥嗜酒喜則人怒則獸
苟利所在不知禮義自南宋迄元之世二百三十餘年種甚微

伏處菁莽史冊不可得而稽也至明洪武中猺始強大乃出寇
洪武十五年南雄侯趙庸討陽山猺寇十六年廣東猺亂中
公鄭鎮討之三十二年設立猺首統領撫猺甲總白是始防猺
矣在明之中葉也猺人叛獠人乘之作亂獠民者蓋廣西狼種
與尚民無異惟女子髻梳蟠龍貫以大簪或包白布帕以青紗
繡之精織細布世所稱獠布也天順四年鍾離榕川五年二月
都督僉事顏彪爲征夷將軍充總兵官討猺賊三月湖廣貴州
總兵官李震會廣西軍剿猺獠悉破之六年顏彪討平兩廣諸
猺七年九月廣東總兵官歐信會廣西兵討猺賊十月巡撫廣
西僉都御史吳楨節制兩廣諸軍討猺賊成化元年正月都督
同知趙輔爲征夷將軍充總兵官僉都御史韓雍贊理軍務討
叛猺十二月韓雍大破大藤峽猺排猺皆震恐正德元年發兵

征連山古縣自是獞衰弱不復振萬厯七年廣東羅旁翁平十一年于獞地立宜善鄉置宜善巡檢司獞民薙髮去環服禮教習儒書與齊民齒今無獞類矣天啟二年五排獞肆劫掠連山知縣楊崇忠請兵討之叅將趙文失律有巡道潘者調都司蔡一申率銳師漏夜抵馬箭里八崗排獞潰次日獞設伏茂古崗邀一申戰殺傷過當獞敗奔油嶺一申乘夜帥其眾薄油嶺黎明成三大營獞大驚乞命一申勒獞縛獻首賊隨撫之獞人勢稍戢不敢窺境十餘年崇禎中中原多故獞人又猖獗十五年連山知縣朱若迄具疏請討之乃發五省兵集連山將無門志有副總兵陳鵬者驍勇善戰且發憤值僭賊大至諸營敗績鵬獨率本部兵當軍馬二排衝賊悉眾攻鵬孤軍力戰自辰至午無援者鵬力盡與守備黎樹績死于陣獞益橫有總兵鄭芝龍

者憤鵬之死議用本縣宣威營土民嚮道由別逕引兵突入排
焚其巢賊遁入深山無所掠食饑甚將就擒矣總兵宋紀得猺
賂遺言師老遂罷兵若迄乃上表曰軍寮馬箭二排居中六排
居後且八排一種分苗百年姻婭接襲而居勢若常山之蛇擊
其中首尾必顧容有羽翼而能取其頭目者乎况方議勦旋議
撫未知痛創何威可畏苟且了事何德可懷今奉會勦之旨動
四省之兵半壁安危所係天朝榮辱所關而任事諸臣實心任
事者不少忤惕欺蒙者更多見害則知愛生見利愍不畏死甚
至擔圭析爵者受徭賦而通線索標牙建燾者殘民命而冒膚
功以致干城腹心之將如副總兵陳鵬等率敢死士數百人捐
軀報國羣奸悞陷忠魂其能瞑目乎此本年二月二十二日事
也嗣是畏縮築室道旁賊驕民困師老餉窮兵有脫甲之擾民

有去鄉之恩皮之不存毛將安傅連之爲連尙可問哉然今所望調漳潮署總兵鄭芝龍此一臣者威名已寒賊膽忠義可格天心每談及欺悞之儔不勝裂眚截髮定盟誓以圖國士之報伏乞大加乾斷鼓忠勇而剔奸邪則蕩平不日可奏矣表上不報若迄憤恚發病卒明祚旋移 大清受命五十餘年未暇討也康熙四十年廣東提督殷化行兩廣總督石琳廣東巡撫彭鵬等乃奏言曰廣州府所屬連陽州縣僻在粵省西北界連廣西湖廣山莽崇深本屬險阻而境內猺人八排毗連各一聚落皆在深巖邃壑之內豐草密菁之間并無出產只以耕田度活雖亦薄供租稅頗就羈縻但種自流移族無統屬馴擾不常伏莽藏林好行竊刦而州縣民人亦多散居山谷與各猺村落相望田土錯連喜則狎昵往來怒則獍狴鬥殺蓋歷來如此也臣

於康熙三十七年十二月內抵粵任時察看情形當遣臣標下
千總張鳳儀齎示往諭繼又會商委令韶州總兵官劉虎南韶
道何漢英同至其地諭以理法剖其是非其如獠人頑梗不靈
畏見官吏一任再三招致總不出來投見惟以討取花紅銀兩
爲辭在地方官計圖竄民或亦賞犒時雖少戢旋復嗚張乃于
康熙四十年六月十四日有三寨鄉民莫庸正等五人往楓木
凹地方洗葑被猺伏路突出殺死三人捉去二人隨復脫回又
本月二十六夜有猺賊入新塘橋內搶劫居民傷死胡中科譚
早奉一命擄去牛豬等物又七月十九日有猺賊成羣白晝突
出搶去韶陂等三處放草耕牛捉去割草鄉民梁永遠鎗傷民
婦林氏又于二十日突劫羅盧等數家牛隻傷殺村民羅冬瑞
梁氏等臣據該鎮協營具報似此猺賊兇橫日甚官弁兵勇非

不設防驅邊但恐輕擅招尤不敢深入追捕現據該地方士民
陳訴此獠愈撫愈橫必欲勦創乃得安甯臣於康熙四十年十
月量帶官兵前至連州連山等處權度事勢宣布朝廷德威
倘有頑抗如前負嵎不出臣卽相機發兵入其巢穴捕取真正
稔惡酌量處治以昭國法奏上而獠賊李貴鄧二等仍剽掠
無忌化行乃遣總兵劉虎率師進剿先遣副將林芳入諭排獠
皆一種相杖未肯聽芳被傷墮崖死又傷把總陳溥及官兵十
餘人勢不下石琳請益兵上許之明年正月命都統松
桂等討八排賊調廣東廣西湖廣三省兵水陸並進二月軍次
三江口獠賊竄伏三月獠眾縛獻李貴鄧二等伏法四月罷各
路兵又明年石琳奏言臣伏查連州所轄油嶺等三大排以及
香爐山大鸞新寨鍋蓋山上坪望溪嶺馬頭寨各小排連山所

轄軍寨等五大排以及雞公背牛路水八百栗天堂冷水冲龍
水尾猪豹嶺民寨新寨大坪魚水冲六對冲大坪水囊尾茅田
冲各小排周圍約計四百餘里俱係崇山峻嶺鳥道羊腸難設
縣治如連州之油嶺行祥橫坑三排皆距州城四五十里連山
之軍寨排馬箭排火燒坪排里八崗排各距縣城二十餘里大
掌嶺排距縣城十里向來就近分管今若割而爲一鞭腹尤長
卽添設縣令一時未諳徭情不無顧此失彼計其田地共稅五
十二頃二十一畝零官民夏米一百五十二石二斗零銀二
百三十八兩三錢七分零丁口銀一十五兩四錢五分零皆在
全書原額地畝丁口之內如連山五排稅畝據縣申稱徭戶
買受民間田地與民一例徵輸尤非徭排境內地土若另設一
縣錢糧爲數無多不敷一邑俸工之用臣等管見莫若仍歸連

州連山管轄惟請于附近徭排適中之三江口建立寨城安設官兵統率控馭移廣東海防督捕同知文兼武備管領把總一員兵丁一百名爲理僉同知駐于三江口兼管連州連山陽山三州縣捕務官不另設任使得宜再查連州原設有連陽一營額兵六百八十二名遊擊統領不能兼顧徭排今須三江口添設一協居中彈壓仍分撥官兵于各排要口之鐵坑長塘大拱橋等處嚴加防範臣等會商提臣殷化行將韶協裁出所存官兵改歸三江又查始興營設有守備一員千總一員把總一員額兵一百七十五名馬南雄協所轄相應始興汛守統歸南雄協派防裁去始興營官兵歸于三江口新協第韶協原設額兵九百二十三名始興營額兵一百七十五名共兵一千零九十五名改歸三江不敷防範應於廣東將軍督撫提鎮各標協營

馬步守兵之內均分派出一千零二名內將九百零二名歸于新協共合二千之數其餘一百名歸於同知管束各營照依所派之數汰除老弱將名糧移歸新協於連陽鄉勇中考驗頂補三江新協應設中軍都司一員守備二員千總四員把總八員分爲左右二營令新協統率仍兼管連陽營統隸督提管轄爲便奏報可乃築三江城建副將同知衙署三江之有城也同知之駐三江也從石琳請也又雍正七年兩廣總督孔毓珣奏言犛性不馴化導非易必須理犛同知專理犛務常駐該地不另委署調遣他出其理犛同知應改爲廣東理犛軍民同知徑隸司道考核同知之徑隸司道也從孔毓珣請也是時連州亦請徑隸司道以陽山連山屬焉凡犛人盜案以同知爲專轄犛人爭訟有涉連陽三州縣民人者聽同知關會審理犛戶錢糧仍